

m. g. h. eins spismachers behuff derselben einen berumpten zuzufordern. — Dat. Dantzick 20. Octobr. 48.

A.-V. 2. Beantwortt den 29. Octobris 1543.

X. (46.)

Michel Kessler schlägt die ihm von H. A. angebotene Entschädigung für die Beherbergung des Anders Wensel aus. Er teilt mit, daß er seinem Schwager Johann von Werden einen Brief aus den Niederlanden zugeschickt habe. — 1543. 26. October. Danzig.

Ad. Dem Durchlaughtigestenn hoch gebornem furstenn vnd heren heren albrecht burchgraue von brandenburg zw stedtin vnd pommeren der caßuben vnd wendenn hertzog yn preyussen furste zw rygen burgraffe zu nurrenberch meynnen genedygester fursten vnd hern.

Meyne willige Deinste Ewer ffortlicher dorch lauticheit alle czeit boret alder dorch laustigster forste alder genedygester here myr yss Ewer fortlichger genod breyff worden den Ewer ff. g. egen hante geschreyben hat do myr Ewer ff. g. danne schreybet vnd begeren ys das ich Ewer ff. g. salte an czegen wass ich do fer hebben wyl das Ewer ff. g. dyner anderess wensel so lange yn meyner behausunge gewessen wy myr hanß nymische¹⁾ och von wegen Ewer ff. g. och geschreyben hot so bytte ich Ewer fforstlich durch lauticheyt weldet sich der halben nit bekymmern wass also Ewer ff. g. dyner andress wensel Synnes loger²⁾ halben vnd kosten halben yn meynnen hausse geschen ys wess ich do for nit zu fordern fyl wennyger czu nemen danne ich wess wol das er yn Ewer ff. g. gescheften hyr bey myr gelegen hat vnd wass so Ewer fforstlichger dorch lauticheyt egen psonnen³⁾ vnd geschepft be langen ys do weyss ich nit vor zu nemen fylle wennyger zu fordern vnd bytte Ewer ff. g. von myr yn danchbarheyt wol opf nemen vnd so mych Ewer ff. g. hyr weyss wor ynne zu gebrauchgen dor ynne ich Ewer ff. g. ynne dynen kan sol mych Ewer ff. g. alczeit gut wylich be fyngen.

alder dorch lautygster ferste genedygester here wy danne Ewer ff g bgeren ys wass hyr so von czeitunge auss den nyderlanden ader ander wor wyrde her komen das ich das selbyge Ewer ff g solte czu schreyben dem sol also geschenn ich habbe her Johan von werden meynen ber swoger eynen breyff czu geschicket den myr eyn borger meyster von Kampen hat czu geschreyben der for meldet wy kesserlichge Maj. yn dy nydr lande komen ys vnd wass er do geschafft hat wy ess yss czu gangen

1) s. 45, 1. 2) Logement. 3) Personen.